

Nakon Sarajeva i Istočnog Sarajeva, Electionville stiže u Brčko!

Javni poziv za mlade iz Brčko distrikta BiH

Nakon izvrsnog događaja s mladima iz Sarajeva i Istočnog Sarajeva, **Institut za razvoj mladih KULT** raspisuje Javni poziv za učešće na javnom događaju **Welcome to Electionville (Dobro došli u Izborgrad) u Brčkom**, koji organizuje u saradnji s **Ambasadom Kraljevine Švedske u Bosni i Hercegovini**.

Welcome to Electionville je edukativna igra u kojoj mladi i građani uče o demokratiji.

Šta je lokalna samouprava? Od čega se sastoji demokratski proces i kome on služi? Kako gradske vlasti donose odluke? Ukoliko ti ova pitanja zvuče zanimljivo i želiš saznati odgovore, pridruži se događaju u ulozi igrača i donosioca odluka kako bi zajedno učili o demokratskim procesima.

O WELCOME TO ELECTIONVILLE (DOBRODOŠLI U IZBORGRAD)

Electionville ili Izborgrad je imaginarni grad u obliku edukativne igre, gdje učesnici preuzimaju izazovne uloge članova gradskih vijeća/skupština, s glavnim ciljem da obrazuje mlade i pruži im uvid u način kako demokratija i demokratski procesi funkcionišu u gradskoj upravi.

Originalno je napravljena kao društvena igra po narudžbi Švedskog udruženja lokalnih vlasti i regija, a danas je Electionville ili Izborgrad proizveden u više od 13.000 primjeraka i zastupljen u više od polovine osnovnih i srednjih škola u Švedskoj. Igra je primarno namijenjena mladima u dobi od 15 do 24 godine i savršeno je sredstvo za vježbanje glavnih demokratskih vrijednosti kao što su inkluzivnost, učešće i ravnopravnost spolova.

Učestvovati u igri Electionville znači učestvovati u demokratiji. A kako je sve to izgledalo s mladima u Sarajevu, možeš vidjeti [OVDJE](#).

KADA?

Događaj će se održati **u utorak, 9. juna 2026. godine u 11.00 sati u Omladinskom centru Brčko.**

Nakon igre, bit će organizovan **grupni razgovor s članovima Vlade Brčko distrikta BiH i poslanicima u Skupštini Brčko distrikta BiH (#DemocracyTalks)**, koji će s ostalim gledaocima pratiti tok igre.

TROŠKOVI?

Institut za razvoj mladih KULT snosi troškove prijevoza, hrane i osvježenja tokom događaja.

KOME JE NAMIJENJEN POZIV?

Ako si mlada osoba starosti od 15 do 24 godine iz Brčko distrikta BiH, aktivna u svojoj lokalnoj zajednici i upućena u osnovne principe lokalne samouprave, svjesna i suočena s glavnim problemima lokalne zajednice u kojoj živiš i spremna ponuditi rješenja, onda je ovo prilika za tebe. **Pridruži nam se, daj ideje i uči!**

Maksimalan broj učesnika u igri je 15 koji će biti podijeljeni u 5 grupa, po maksimalno 3 igrača. Odabrani igrači će dobiti detaljne informacije o događaju, igri i pravilima iste putem e-maila prije samog događaja.

KAKO SE MOŽEŠ PRIJAVITI?

Ukoliko si zainteresovan za učešće na događaju i ispunjavaš navedene kriterije, prijavi se putem elektronskog obrasca koji se nalazi na <https://s.mladi.org/electionville2026>

Prijaviti se možeš do **srijede, 3. juna 2026. godine do 12.00 sati**.

Dodatne informacije možeš dobiti i putem telefona 033 778-765 ili e-maila: zorana.tovilovic-glavas@mladi.org

NAPOMENA: Izrazi koji su radi preglednosti dati u jednom gramatičkom rodu u dokumentu bez diskriminacije se odnose jednako na osobe svih rodova.